



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

VV. Priori Ecclesiae Sagien. ejusque fratribus tam praesentibus quàm futuris regularem vitam professis in perpetuum.

urn:nbn:de:hbz:466:1-20006

nicationis curavimus sententia innodare; mandantes ut ad quamcunque civitatem, oppidum, vel villam devenerint, nullus ibidem eis præsentibus divina præsumat officia celebrare. Dicto autem Regi Castellæ & caris. in Christo filia nostra Regina uxori ejus dabimus in mandatis, ut quod stent mandatis nostris juratoriam exhibeant cautionem, & vel expriment in juramento quod ad dissolvendam tam illegitimam copulam dent operam efficacem, vel id nos eis faciemus præstito juramento mandari. nec credimus quod super hoc se aliquatenus nobis exhibeant contumaces, cum quod stent mandatis Ecclesiæ, in manibus prædicti fratris R. (sicut ex literis ejusdem Regis apparet) firmiter promississent, & impendissent causam sufficientem ad copulam hujusmodi consummandam. Quod si forsan (quod non credimus) mandatis nostris noluerint obedire, ipsos & principales eorum consiliarios & fautores excommunicari mandabimus, & quocunque devenerint, divina prohibebimus officia celebrari, ut sic saltem ad mandatum Ecclesiæ revertantur, juxta quod legitur in Psalmista: *Imple facies eorum ignominia, & quærent nomen tuum, Domine.* Quia verò castra quædam, quæ idem Rex Legionen. dictæ filia Regis Castellæ in dorem tradidisse proponitur, ita ut si eam aliqua occasione relinqueret, ipsa cederent in jus ejus, impedimentum præstare videntur hujusmodi copulæ dissolvendæ, cum castra ipsa non tam ob turpem quam ob nullam potius causam sint data, utpote cum inter eos matrimonium non existat, & ideo nec dos nec donatio propter dotem, ne ad commodum ei cedat quod debet in pœnam ejus potius retorqueri, castra ipsa restitui volumus, & ad id puellam ipsam per excommunicationis sententiam coarctari; auctoritate apostolica decernentes, ut si ex tam incestuosa & damnata copula proles est vel fuerit quæcunque suscepta, spuria & illegitima penitus habeatur, quæ secundum statuta legitima in bonis paternis nulla prorsus ratione succedit. Quod si nec sic prædicti Rex Legionen. & filia Regis Castellæ à se invicem juxta mandatum apostolicum discedere maturarint, in eos distriktionem curabimus gravissimam exercere, quam ad cautelam præsentibus non duximus literis explicandam. Ideo

que fraternitati vestræ per apostolica scripta mandamus & districtè præcipimus quatenus factam vobis ab apostolica sede gratiam gratius prosequentes, sic utamini permissione nostra in celebrandis officiis, ut decedentium corpora, nisi Clerici fuerint, tumulare nullatenus præsumatis. Si quos autem post latam in regnum ipsum sententiam interdicti ante susceptionem præsentium divina inveneritis officia celebrasse, singuli vestrum in sua diocesi talium præsumptionem auctoritate freti apostolica, sublato appellationis obstaculo, canonica distriktionem percillant. Si verò aliquis vestrum, fratres Episcopi, in hoc deliquerit, excepto Salamantineni, cujus correctionem sedi apostolicæ reservamus, tu, frater Archiepiscopo, animadversione ipsum canonica non differas castigare. Volumus autem nihilominus & districtè vobis præcipiendo mandamus quatenus ad quamcunque civitatem, villam, oppidum, vel Ecclesiam dictus Rex Legionen. & supradicta filia Regis Castellæ, vel principales fautores & consiliarii eorum, fortè devenerint, divina ibidem officia, quandiu ipsi præsentibus fuerint, nullatenus celebrentur. Si quis autem contra hoc venire præsumperit, divina eis officia celebrando in civitatibus, villis, castellis, oppidis, aut Ecclesiis, vel ubicunque ipsi præsentibus extiterint, vos temeritatem ipsorum, appellatione postposita, non differatis canonica distriktionem ferire. Datum Laterani ut supra.

VV. PRIORI ECCLESIAE

Sagien. ejusque fratribus tam præsentibus quam futuris regularem vitam professis in perpetuum.

Quoties à nobis petitur &c. usque ad verbum ordo canonicus, qui secundum Deum & beati Augustini regulam &c. usque ad verbum vocabulis. Locum ipsum in quo præfata Ecclesia sita est, cum omnibus pertinentiis suis, omnes oblationes quæ ad manus sacerdotum in Sagien. Ecclesia offeruntur, & medietatem Pentecostes, & medietatem omnium legatorum & confratriæ, & medietatem omnium asportationum quæ ad Ecclesiam ipsam proveniunt vel provenire debent, his exceptis, auro, serico, & candelis quæ in die Purificationis beatæ Mariæ & in die cinerum & in die cœnæ Domini offeruntur, quæ integrè

*Epist. 76.
De confirmatione privilegiorum.*

ad Episcopum loci pertinere noscuntur. Bodevillam, cum pertinentiis suis. Ecclesiam de Soroudon. Ecclesiam de manso Vvidonis. Ecclesiam de Alneto. Ecclesiam de Challici, cum jure episcopali, excepto divortio matrimonij. Ecclesiam de Alodio, cum omnibus decimis. Ecclesiam de Cortevetque. Ecclesiam de Mesnilberat, cum eremitagio. Ecclesiam de Bona fide, & illud quod habetis in Ecclesia sancti Aniani super Spartum, & illud quod habetis in Ecclesia sanctæ Scholasticæ, videlicet de feudo de Esseio. & illud quod habetis in Ecclesia de Taleis, videlicet de feudo Guillelmi de Plessei. Ecclesiam de Columberis. Ecclesiam de Froc. Ecclesiam de Landa de Goul. Ecclesiam de Franchevillis. Eremitagium de Blanchalanda. Ecclesiam de Flureio. Apud Cornelum, xij. acras terræ, cum duabus garbis decimæ. In civitate Sagien. altare in crucifixo, medietatem nundinarum sanctæ crucis in Maio. In pratorio Episcopi Sagien. lx. sol. Cenomanen. In parochia sancti Petri de Castallo, duas garbas de feudo Episcopi Ab Episcopo Sagien. xij. procurationes singulis annis reddendas. In molendino de Puchou, in anniversario Frog. Episcopi, xx. sol. Cenomanen. In pago Oximen. Ecclesiam de Pinu, Ecclesiam de Avesnes, Ecclesiam de Arenis, Ecclesiam de Vercevillis, Ecclesiam de Neers, Ecclesiam de Estreis, Ecclesiam de Condeio super Leison, Ecclesiam de Toftis, Ecclesiam de Voire. In Ecclesia de Nealpa unum presbyteratum, & duas garbas decimæ de feudo Vu. Bordon. apud Estias. In pago Humen. Ecclesiam de Castelleis, Ecclesiam sancti Gervasij de Messeio, Ecclesiam de Crosmenil, Ecclesiam de Mesnilian, & eremitagium cum omnibus appendiciis suis, Ecclesiam de Batille, Ecclesiam de Messheudin, Ecclesiam sancti Martini Languilon. Ecclesiam de Landa de Loge, Ecclesiam de sarcto Salvatore, eremitagium de Monte Tohard, Ecclesiam sanctæ Margaritæ cum capella sancti Iacobi de Quarrog, cum omnibus pertinentiis suis. In pago Belismon. Ecclesiam sancti Iuliani de Merula, Ecclesiam de Barvillis, Ecclesiam sancti Iohannis de Foresta, Ecclesiam sancti Quintini parvi. In pago Corbonen. Ecclesiam sancti Quintini de Bago. De Sagien. Hulmen. & Oxomen. Archidiaconibus tertiam partem de cir-

catis & synodis. De Corben. Archidiacono tertiam partem de synodis. De Belismon. Archidiacono tertiam partem de synodis. In episcopatu Cenomanen. Ecclesiam de Banuo. In parochia de Dampere, & de campo Segrei, duas partes totius decimæ de feudo Vu. de Aunei, capellam quæ est in grangia vestra de Bodevilla, & mestruas de archidiaconatu Belismon. In molendino Barvillæ decimam, & partem Vu. Carrel. Militis, cum piscatoria, & quicquid Gaufridus Lemorel in decimis parochiæ de Bavilla & sancti Iuliani habebat, & duas garbas totius decimæ sancti Iuliani, cum capella cœmeterij. Redditus archidiaconatum vacantium, sicuti habetis vel habere debetis Archidiaconis viventibus, & totam decimam de Flureio, eremitagium de Martellaio, & mansuram quæ est de feudo Vu. de Chantapia, & duas garbas de feudo Vu. de Plessei. In parochia sancti Germani veteris, duas partes decimæ de feudo Guidonis de Campo Milonis. In parochia de Mesnillerros, duas garbas decimæ de feudo Teoboudorum. In parochia de Gaspreia, duas garbas decimæ de feudo Hugonis de Franchavilla, & capellam quæ est in Messeio. In molendino de Pervers, illam partem quæ est de feudo Gaufridi de Fontibus, astreas quondam Canonorum secularium, cum omnibus pertinentiis, consuetudinibus, & libertatibus suis, & terram Bogarel. In Argentonio, sex libras Cenoman. & x. sol. & vj. denarios. In Falesia, lxx. sol. Cenomanenses. In Oximis, cv. sol. Cenoman. & quinque de teloneo Regis. In Anglia, decem libratas terræ in manerio Regis, videlicet de Bentona, scilicet Britalmeton, quæ est membrum ipsius manerij, cum omnibus consuetudinibus, libertatibus, & quietudinibus. In foresta de Escoves, pascuagium quitum, & xxij. fagos absque aliqua traditione annuatim, quando volueritis, accipiendos. In parochialibus autem Ecclesiis vestris liceat vobis proprios sacerdotes eligere &c. Libertates præterea &c. Dcernimus ergo &c. Salva sedis apostolicæ auctoritate, & diocesani Episcopi canonica iustitia. Siqua igitur &c. Datum Laterani per manum Rainaldi Dñi Papæ Notarij, Cancellarij vicem agentis, VIII. Kal. Iunij, Indictione secunda, incarnationis dominicæ ann. MCXCIX. pont. verò Domini Innocentij Papæ III. an. secundo.